



Broj: 01-05-12-1033-4/19
Maglaj, 11.06.2019. godine

Na osnovu člana 70. Zakona o javnim nabavkama Bosne i Hercegovine („Službeni glasnik Bosne i Hercegovine“, broj: 39/14) a u vezi sa Zapisnikom o pregledu i ocjeni ponuda broj:01-05-12-1033-3/19 od 11.06.2019. godine Komisije za javne nabavke u 2019. godini i Odlukom o pokretanju postupka javne nabavke broj: 01-05-12-1033/19 od 28.05.2019. godine, Općina Maglaj, ovlašteno lice ugovornog organa Načelnik općine Maglaj, d o n o s i

O D L U K U
o izboru najpovoljnijeg ponuđača

I

Ugovor za javnu nabavku opreme za spašavanje na vodi za potrebe Službe civilne zaštite Općine Maglaj, dodjeljuje se ponuđaču „FINANC“ d.o.o. Mostar, ponuda od 03.06.2019. godine, za ponuđenu cijenu od 3.790,00 KM bez PDV-a, kao najbolje ocijenjenom/prvorangiranom ponuđaču.

II

Ponuda je dostavljena u postupku Konkurentski zahtjev za dostavu ponuda, koji je objavljen na portalu Javnih nabavki dana 28.05.2019. godine, pod brojem: 1140-7-1-19-3-22/19.

III

Odabrani ponuđač je dužan u roku od pet dana od dana zaprimanja obavještenja o rezultatima predmetnog postupka javne nabavke dostaviti dokaze iz tačke 11. konkurentskog zahtjeva za dostavu ponuda u svrhu dokazivanja činjenica potvrđenih u izjavi.

Prijedlog ugovora o nabavci dostaviće se na potpis odabranom ponuđaču po proteku roka od 15 dana, računajući od dana od kada su svi ponuđači obaviješteni o izboru najpovoljnije ponude.

IV

Za realizaciju ove odluke zadužuje se Služba Općinskog načelnika i Općinskog vijeća.

V

Ova odluka stupa na snagu danom donošenja i u skladu sa članom 71. stav 2. Zakona o javnim nabavkama dostavlja se svim ponuđačima koji su učestvovali u postupku javne nabavke.

VI

Prema članu 70. stav 6. Zakona o javnim nabavkama ova Odluka objavit će se na web stranici Općine Maglaj www.maglaj.ba.

O b r a z l o ž e n j e

Odlukom o pokretanju postupka broj: 01-05-12-1033/19 od 28.05.2019. godine pokrenut je postupak javne nabavke za nabavku opreme za spašavanje na vodi za potrebe Službe civilne zaštite Općine Maglaj.

Odabaran je konkurentski zahtjev za dostavu ponuda, koji je objavljen na portalu Javnih nabavki dana 28.05.2019. godine pod brojem: 1140-7-1-19-3-22/19.

Tenderskom dokumentacijom je utvrđeno da je kriterij za dodjelu ugovora najniža cijena.

U ostavljenom roku pristigle su dvije ponude, i to:

1. „FINANC“ d.o.o. Mostar, JIB: 4227140660000, Augusta Šenoe 16, 88000 Mostar
2. „FIRE TRADE“ d.o.o. Srebrenik, JIB 4210209150009, Meše Selimovića 10, 75350 Srebrenik

Komisija za javne nabavke u 2019. godini, imenovana Odlukom Općinskog načelnika broj: 01-49-424/19 od 20.02.2019. godine, izvršila je javno otvaranje ponuda dana 06.06.2019. godine i o tome sačinila Zapisnik sa otvaranja ponuda, te isti blagovremeno prosljedila ponuđačima.

Komisija je na zatvorenom sastanku dana 06.06.2019. godine izvršila pregled i ispitivanje sadržaja pristiglih ponuda s obzirom na iskazane zahtjeve ugovornog organa u tenderskoj dokumentaciji (konkurentski zahtjev) i utvrdila da su obje ponude formalno-pravno ispravne, zadovoljavajuće i prihvatljive, te je prema utvrđenom kriteriju „najniža cijena“ izvršeno rangiranje ponuda kako slijedi:

R.B.	NAZIV PONUĐAČA	CIJENA /KM bez PDV-a
1.	„FINANC“ d.o.o. Mostar	5.500,00
2.	„FIRE TRADE“ d.o.o. Srebrenik	5.699,03

Po izvršenom rangiranju je u skladu sa odredbama tenderske dokumentacije zakazana e – Aukcija za dan 10.06.2019. godine u 09,30 i uspješno provedena, o čemu je u sistemu e – Nabavke sačinjen Izvještaj.

Nakon provedene e – Aukcije Komisija je na zatvorenom sastanku dana 11.06.2019. godine prema utvrđenom kriteriju za izbor ponuda „najniža cijena“ sačinila konačnu listu rangiranja ponuđača, kako slijedi u tabeli:

R.B.	NAZIV PONUĐAČA	UKUPNA CIJENA ZA UGOVOR /KM bez PDV-a
1.	„FINANC“ d.o.o. Mostar	3.790,00
2.	„FIRE TRADE“ d.o.o. Srebrenik	3.800,00

Komisija je Zapisnikom o pregledu i ocjeni ponuda broj 01-05-12-1033-3/19 od 11.06.2019. godine preporučila Ugovornom organu da u predmetu nabavke oprema za spašavanje na vodi za potrebe Službe civilne zaštite Općine Maglaj donese odluku o odabiru najpovoljnijeg ponuđača, te da kao najbolje ocijenjenu prihvatljivu ponudu prihvati ponudu ponuđača „FINANC“ d.o.o. Mostar i sa istim zaključi odgovarajući ugovor.

Na osnovu izloženog a primjenom člana 64. stav 1. tačka b) Zakona o javnim nabavkama („Službeni glasnik BiH“, broj: 39/14), odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi Bosne i Hercegovine, putem Ugovornog organa: Općina Maglaj, u roku od 5 dana od dana prijema iste. Žalba se podnosi u 3 (tri) primjerka, kako bi mogla biti uručena izabranom ponuđaču, Uredu za razmatranje žalbi i Ugovornom organu. Žalba se podnosi neposredno Ugovornom organu u pisanoj formi, direktno ili putem preporučene poštanske pošiljke.



Dostavljeno:

1. Ponuđači x2
2. Komisija za javnu nabavku
3. Načelnik općine
4. U spis
5. Arhiva

